

CANCEL:
MARTIS B:
1717:



*

Zu Ob

Sc

8

AD
SOLENNEM
MAGISTRORUM
RENUNCIATIONEM

DIE VIII. FEBRUARII A. MDCC XIV.

IN

AUDITORIO PHILOSOPHICO
ADORNANDAM

RECTOREM ACADEMIÆ
MAGNIFICUM

UTRIUSQUE REIPUBLICÆ PROCERES
ET ACADEMIÆ CIVES

EA QUÆ DECEAT OBSERVANTIA ET HUMANITATE
INVITAT

FACULTATIS PHILOSOPHICÆ

DECANUS
L. CHRISTIANUS LUDOVICI, P. P.

L I P S I Æ,

LITERIS JOH. CASP. MULLERI.

MAGISTRI

RENUNCIATIONEM

DE

AC



ROGERES

PHILOSOPHICAE

P. CHRISTIANUS

CHRISTIANUS





F. N. F.



Erius & ægre admodum philosophiam Peripateticam religionis suæ capitibus in Synagogis librisque vulgatis sive immisceri sive accommodari passi sunt Judæi, ut est gens in aliorum populorum placitis admittendis prope inexorabilis. Nam A. C. 1181. cum R. Moses Ægyptius librum suum מורה נבוכי *Doctor Perplexorum* inscriptum (quem non solum multis philosophiæ Aristotelicæ placitis de causa prima, de intelligentiis orbis coelestes moventibus, de sphaera, de materia prima, de privatione similibusque refererat; sed &, quod vel maxime Synagogæ sedes in oculis erat, in plerisque capitibus ad mentem Christianorum philosophorum composuerat) primo quidem in lingua Arabica, mox &, interprete R. Juda Alcharizi, pauloque post alio R. Samuele Abben Tybbon, in Ebraicum idioma translatum evulgaret; quanti pro Deum immortalem motus per Galliæ Hispaniæque Synagogas concitati! quanta cum contentione animorum inter Sapientes Montispeffulanos & Narbonenses negotium hoc aditatum fuit! Illi jam antea editione libri מריע, eo quod Christianam Theologiam imitari crederetur, vehementer commoti Principe Synagogæ R. Salomone duce & auspice lectionem utriusque libri interdicere, exemplaria flammis, autores cum defensoribus diris

deuovere. Hi contra niti, illosque anathematis fulmine ferire. Nec sic quidem motus sedati fuerunt. Tantum enim abfuit, ut Montispeſſulani Narbonenſibus cauſa cederent, ut potius anathemate ceu ceſtro perciti literis nuntiisſque miſſis etiam reliquas Gallia Synagogas in partes tractas adeo irritarent, ut anathematis fulmen unanimi decreto in Narbonenſes retorquerent, philoſophia ſtudium damnarent, Maimonidis epitaphium מברר האנשים *electus hominum* expungerent, & aliud מרר ומין *excommunicatus & hereticus* in locum ejus ſubderent. Tandem David Kimchi ea tempeſtate præ aliis in celebritate conſtitutus Rabbi, ſua non minus prudentia quam autoritate litem diremit & motus compoſuit. Primo Synagogas Hiſpanicas, ut Narbonenſium cauſam agerent, ſuaſione, prece, monitiſque movit, qui dehinc cum Narbonenſi Synagoga viribus conjunctis Montispeſſulanos cedere neſcios iterato anathematis fulmine terruerunt, pauloque poſt etiam a reliquis Gallia Synagogis omnibus deſertos ad eas incitas redegerunt, ut victas manus porrigerent, pacem commiſſique erroris veniam peterent. Quo ſerius vero ægriusque Ariſtotelicam Philoſophiam admiferunt, hoc ſerventiori ſtudio ſemel admiſſam proſequuti ſunt Hebræorum Magiſtri : nec pauci illi, qui inde ab eo tempore philoſophicum ſtudium vel diſſuaſerunt, ut R. David Joſeph Hiſpanus, vel contra Ariſtotelem diſputarunt, ut R. Iſaac Arama, prohibere potuerunt, quin philoſophia Ariſtotelica ab Arabibus, qui eidem addicti erant, (vid. Herbelot Bibliothecæ Orientale p. 303.) accepta, in Rabbinorum mentibus ſcholisſque adeo altas radices ageret, ut creverit, vigerit, floruerit, & fructus uberrimos, libros puta varii generis, tulerit, quorum potiſſimos (num omnes genuini ſint de eo jam quidem non diſputamus,) hic vel ideo, ut inter Hebræi quoque Sapientes Ariſtotele ſuum pretium conſtituiſſe pateat, recensere conſtituimus. Inter libros iſtos primum locum ſibi merito vindicant ipſa Ariſtotelis Opera, quibus in eadem commentarios, commentariis vero tandem ſcripta alla Ariſtotelicorum ſubjungemus. Ipſa ejus opera integra R. Iſaacum,

Fi.

Filium Rabbi Chanen, jam ante Maimonidis tempora in hebrai- *Versiones o-*
 cam linguam vertisse ex epistola ejusdem Maimonidis ad disci- *mnium Ope-*
 pulum suum R. Samuelem Abben Tybbu intelligimus. Eadem *rum Aristot-*
 opera cum commentario Averrois Venetiis A. C. 1542. apud *telis.*
 Juntas prodierunt. Sigillatim ספר הטבע libros Aristotelis *Versiones sigil-*
de physica auscultatione sive principis, Φυσικῆ ἀκροατικῆς ἢ πε- *latim librorum*
εὶ ἀρχῶν βιβλία : ם השמים ם *libros de caelo, περὶ ἔργων βι-* *de physica au-*
βλία : ם ההווה ם *libros de generatione περὶ γενέσεως :* ם הנפש ם *de caelo,*
libros de anima, περὶ ψυχῆς : & denique ם האריר *librum de generatione,*
de respiratione, περὶ ἀναπνοῆς anonymus Hispanus in He- *de anima,*
 trurix provincia ex Arabica in Hebræam linguam transtulit. *de respiratione,*
 Alius anonymus מאמר מהווה והפסד *libros de generatione & de generatione*
corruptione, περὶ γενέσεως καὶ φθορᾶς : ם מאותות העליונות *& corruptione.*
libros Meteorologicorum, μετεωρολογικῶν & מבעלי היום ם *libros de Meteoris,*
de historia animalium, περὶ ζῴων ἱστορίας ex Arabico in Hebræ- *de histor. anim.*
 um vertit. *Libros Meteorologicorum* sub titulo ם אורות השמי׳ *de Meteoris,*
 ex Arabico in Hebræum transtulit R. Samuel Ben Juda Abben
 Tibbon, qui & Tractatum sub hoc ipso titulo השמים *אורות השמים*
 a Mardochæo Ben Danielis ex Aristotele conflatum in eandem
 Hebraicam linguam traduxit. Præterea extat ex Aristotelis *de natura ani-*
 Tractatibus physicis מאמר מטבע בעלי חיים אשר ביבשה *maliun terre-*
 ם *Tractatus de natura animalium terrestrium & mariti-* *strium & mari-*
 ם *libri de sensu & sensibili, πε-* *ritimorum,*
περὶ αἰσθησεως καὶ αἰσθησῶν Venetiis cum commentariis R. Levi *de sensu & sen-*
 Ben Gerson vulgati. Similiter ם מספר החי׳ מאמר *liber unus de communi a-*
de communi animalium motione, περὶ τῆς κοινῆς τῶν ζῴων *animalium mo-*
κινήσεως in bibliotheca Vaticana extare dicitur : extant deni- *tione,*
 que ם מראה פנים ם *liber physiognomicon, de physiognom.*
Φυσιογνωμικῶν & התפוח ם *liber de pomo. Libris Physicis A-* *de pomo.*
 ristotelis jungimus *libros Metaphysicorum, ם מה שאחר הטבע, ם* *Librorum Ethic-*
τὰ μετὰ Φυσικά, quos Averroes commentariis ordine Alpha- *Librorum Ethic-*
 betico digestis illustravit, ut infra monebitur : Ex libris phi- *librorum & Politi-*
 losophi Ethicis & Politicis translati sunt in Hebræam linguam *corum & Politi-*
 ם המרות *libri Ethices, ἠθικῶν* quos R. Don Meir Algvades vel *corum.*
 Algvadez Hispanus hebraice vertit.

Eodem titulo ס' מרות prænотatus esse fertur liber quidam Romæ in Bibliotheca Barbarinorum, A. C. 1556. impressus; sed male, cum non Aristotelis ethica, licet hæc tota fere cum insigni Aristotelis encomio in illum transcripta fuerit, sed alius liber sit, כבוד אלודי Gloria Dei inscriptus, cujus argumentum est præstantia hominis & legis Mosaicæ. In eandem Hebræam linguam ex Ali Ismaelitæ Arabica versione translatus est Aristotelis אגרת המוסר *Epistola Didaſcalica* a R. Juda Alcharizi Ben R. Juda. Translati sunt porro primo quidem ex latina versione in Arabicam a Johanne filio Patriarchæ, post ex Arabica lingua in Hebræam a Rabbi Juda Alcharizi ספר סוד המלכות הנהגת המלכות *libri de administratione regni ad Alexandrum*: translatus denique est סוד הסודות ס' סוד libri arcani arcanorum, sive de consiliis & consiliariis ex Græco in Arabicum & ex Arabico in Hebræum idioma. Conf. *Barlocci. Biblioth. Magna Rabb. P. I. p. 34. 480. 481. 482. P. III. p. 27. & 900. P. IV. p. 14. 15. 24. 107. 393. Herbelot Biblioth. Orientale p. 128. 719. & passim. R. Jacob Striemers שפתי ישנים p. 9. R. Abrab. in Juchasin, p. 134. R. Gedalja Sebalscheleth Hakkabala p. 61. Conf. passim Buxtorfii Bibliothec. Rabb. Hottingeri Bibl. Rabb. Plantavirii Bibl. Rabb. R. David Ganz Zernach David. Job. Drusius de Sectis Hebræorum.* A versionibus Aristotelis ad Commentarios in Aristotelem progredimur. Commentatus est Arabicè in omnia Aristotelis opera Averroes (אבן רשדון vel אבן רשדן) Hispanus, Aristotelicæ philosophiæ addictissimus Medicus. Prodiere ejus Commentarii hebraismo donati euna Operibus Aristotelis Venetiis A. C. 1542. Eodem Arabico idioma commentarios in omnia Aristotelis opera ab Abu Achmed sive Chemed adornatos ebraice reddidit R. Abben Tibbon. Extant quoque commentarii Thome Aquinatis in Hebræam linguam translati. Commentariis in Aristotelem annumeramus Rabbidorum commentarios in commentarios dictos, ut sunt R. Elie Grecensis אבן רשדון *animadversiones in Averroem* conjunctæ Johannis de Janduno Quæstionibus in libros Physicos Aristoteleos Venetiis A. C. 1506. sermo-

Epistola didaſcalica,

de administratione regni ad Alexandrum, de consiliis & consiliariis.

Averrois Commentarii in Aristotelis Opera omnia hebraice versi

Abn Achmedis hebraice versi, Thome Aquinatis hebraice versi, R. Elie Cretensis.

ne barbaro impressis. Præterea R. Mosis Ben Josuæ ^{שאלות} *R. Mosis Ben Josuæ*
Quæstiones in Opera Averrois. Quos in singulos Aristotelis ^{sive Isai.}
 libros concinnarunt commentarios vel hebraice, vel hebraice ^{Sigillatim com-}
 latineve versos varii sunt, Averrois ^{mentarii in li-} **על הטבע** ^{bros} *commentarii*
in libros de physica auscultatione a R. Samuele Abben Tybbon de physica au-
Granatenis in Hebraicam linguam traducti, & Rivæ Tridenti A. ^{sultatione,}
 C. 1560. impressi : eosdem R. Kalonymus filius Kalonymi A.
 C. 1316. in linguam eandem vertit : Ejusdem Averrois **ספר**
הטבע *Paraphrasin in libros physicos Aristote-*
lis, latinitate donavit R. Abraham filius R. Meir de Balmis. Huc
 referendæ porro sunt Annotationes R. Saulis Sacerdotis Germani
 in Commentariis Averrois super libros Aristotelicos de physica
 auscultatione A. C. 1520. vulgatæ : Commentarius R. Levi
Ben Gersom in Averrois commentarios super Aristotelis
 commentarios : Commentarii R. Michaelis Sacerdotis discipuli Averrois
 in commentarios Magistri sui super libros Aristotelicos de physica
 auscultatione : non vero huc referri convenit librum **מורה**
הרוקמה *Expositionem Sipientia*, quippe quæ non tam commen-
 tatio in physicam Aristotelis, quod Buxtorfius, credidit quam ex
 Aristotelis Physica, ex Ptolemæo aliisque facta compilatio est.
 Ad Commentarios in singulos Aristotelis libros pertinent com-
 mentarii Averrois in libros Aristotelis *de calo & mundo*, ^{de cal. & mund.}
generatione & corruptione, in libros *Meteorologicorum*, ^{de gen. & cor.}
anima, sensu & sensibili omnes in Hebraicam linguam ab anony- ^{de Meteoris,}
 mo versu : commentarius ejusdem *de somno & vigilia*, quem ^{de anima,}
 R. Salomo Abben Mosche Alguari hebraice vertit : commen- ^{de sens. & sens.}
 tarii Arabici Johannis Patriarchæ in Aristotelis libros *de calo,* ^{de somn. & vig.}
mundo & elementis, quos R. Joseph Abben Schemtoth in gra- ^{de calo, mundo}
 tiam Isaaci Abben Nun philosophi literis latinis expressit : ^{& elementis,}
 commentarii R. Levi Ben Gersom super commentarios Averrois ^{de calo & mun-}
de calo & mundo, generatione & corruptione : commentarii Aver- ^{do, generatione}
 rois in libros Meteorologicorum, quas Elias Hebræus in lati- ^{& corruptione,}
 num sermonem transtulit : quæstiones R. Timonis super li- ^{de meteoris,}
 bros Aristoteles *Meteorologicos*, item *de generatione & corru-* ^{de meteor. gen.}
ptione : commentarii Raphaelis in librum Aristotelis *de sensu* ^{& corrupt.}
 & *sen-*

de sensu & sensibili. & R. Levi Ben Gersonis commentarius in eundem Aristotelis librum Venetiis impressus : Averrois commentarii in IX. ultimos libros *de historia animalium*, quos R. Mosche Abben Tibbon in Hebraicam linguam transtulit : ejusdem *de materia prima & principiis rerum naturalium, de cometis.* *paraphrasis in librum 4. de partibus animalium*, & alia nonnulla, quæ una cum Averrois exordio in libros physicos latine vertit R. Jacob Mantinus : ejusdem *הדרושים* *questiones naturales*, sive de materia prima & principiis rerum naturalium : ejusdem commentarii *de cometis* latine versi ab Elia Hebræo. Commentariis in physicam subjicimus Commentarios in Metaphysicam Aristotelis a Rabinis tam hebraice quam latine versos ; & primo quidem Averrois *ספר מה שאחר הטבע* *commentarium in libros omnes Metaphysicorum Aristotelis* A. C. 1192. ordine alphabetico scriptum atque a R. Kalonimos Ben Kalonimos A. C. 1311. hebraice versum : addimus ejusdem Commentarium in lib. 1. Metaphysicorum, quem R. *Elias Hebræus* latine vertit : addimus etiam latinam versionem proœmii Averrois in 12 libros Metaphysicorum Aristotelis, nec non epitomes in eisdem libros, quam R. Jacob Mantinus adornavit : denique addimus *commentarios Alexandri Arabis in omnes Metaphysicorum libros*, a R. Mosè Ben Salomonis sub hoc titulo *הערותקי פירוש לארכסטנדר יסמאלי על מאחר הטבע לארסטו* hebraïsmo donatos. Restant *commentarii in libros ethicorum* Aristotelis, quos R. Joseph Ben Rabbi Schemtobh scripsit, in hebraicam vero linguam transtulit Don Meir Medicus Regis Castiliae. Scripsit etiam sæpius laudatus Averroes paraphrasin in tres libros Rhetoricorum Aristotelis Venetiis 1542. impressam & a R. Abraham Ben R. Meir de Balmis latine translata. Notandum hic Bartolœcius, quod Bibliothecæ Magnæ Rabbiniçæ P. I. p. 34. incaute scribat, ab Averroee commentarium in tertium librum Rhetoricorum confectum fuisse ; nam & ipse alibi P. III. p. 860. in tres libros commentatum fuisse Averroem expresse memorat. Prodiit paraphrasin illa Venetiis cum Tomo III. Aristotelis A. C. 1560. Idem Averroes paraphrasin fecit in librum Aristotelicum *de arte poetica*, quam latina veste induit R. Ja-

Commentar. in ethicor. libros.
Paraphrasis in libros Rhetoricor.
Paraphrasis in librum Poetic.

R. Jacob Mantinus cum reliquis Averrois Operibus A. C. 1552. editam. Conf. Barthol. Biblioth. Magna Rabb. P. I. p. 13. 14. 34. 134. 220. 481. P. III. p. 57. 830. 832. 860. P. IV. p. 4. 8. 26. 48. 73. 107. 239. 358. 393. Buxtorf. Bibliotheca Rabb. passim. Hottingeri Biblioth. Rabb. Plantavitii Biblioth. Rabb. R. Jacob Strimer שפתי ישנים R. Abrah. lib. Juchasin. R. Gedalja in Schalscheleth Hakkab. R. D. Ganz in Zemach David. Nihil super est, quam ut Aristotelicorum scripta adhuc recenseamus, cujusmodi sunt in physicis Abunassaris Alfarabi *Scripta Aristotelicorum in physicis Abunassaris Alfarabi* ס' מרות הנפש, Arabice scriptus, ab anonymo vero in linguam hebraicam translatus; item ex Arabica lingua in Hebraeam a R. Zacharia Hallevi translatus: anonomi liber על הנפש: R. Maimonidis ut & anonomi ספר הסבות *anonymi Maimonidis anonomi alius* ס' אורות השמים liber de signis caeli, i. e. de meteoris, compilatus ex Operibus Aristotelis, & hebraice versus a R. Samuelis Ben Judæ Abben Tibbon. *R. Samuelis Mardochei.* In Metaphysicis על הווה *in metaphysicis* de esse, essentia & uno R. Elias Cretensis quaestiones scriptis Venetiis 1506. sermone barbaro excusas, cum quibus quaestiones physicae על מניע הראשון *R. Elias Cretensis* itemque על העשית העולם *in moralibus* de efficientia mundi conjunctae sunt. Ut taceamus scripta Moralia R. Schemtobh Bar Joseph Balkera & R. Todros ראשית הכמה *R. Schemtobh. R. Todros* initium sapientiae, עין משפט oculum judicii, in quo 60. Tractatus, Philosophiae Aristotelicae conformiter scripti, habentur, & plura alia. Conf. Bartoloeccius in קריית ספר P. I. p. 5. 182. P. II. p. 824. 859. P. III. p. 934. P. IV. p. 108. 109. 305. 306. 393. 934. Sed nullane, inquires, sive versiones Logicae Aristotelicae, sive commentationes in logicam Aristotelicam, sive meditationes logicorum Aristotelicorum unquam in lucem publicam emissae fuerunt? imo quam plurimae. Sed eas commodiori loco, in septima scilicet disputatione de vestigiis Logicae Peripateticae propediem dabimus. Jam si quis quarat de causa, cur inprimis Philosophiae Peripateticae addictissimi fuerint Rabbinim; crediderim ego, aliquid ad pretium philosophiae hujus inter Judaeos contulisse, quod putant


runt eam Mosaicis scriptis incunabula prima debere Refert enim Rabbi Gedalja Ben Jechaja se in vetusto codice Msc. כוררי legisse, quod cum Aristoteles aliquando philosophos percunctatus esset : unde ad eos derivata fuerit philosophia ? respondisse hos, ex Judæis. Ex Judæis enim & Chaldæis sapientiæ rivulos ad Persas & Medos, a Persis & Medis ad Græcos, a Græcis ad Romanos fluxisse. Auxit forte persuasionem de dignitate philosophiæ Aristotelicæ narratio lepida, quam ex שבתי אמנה Semitis Fidei R. Gedalja Ben Jechaja in שלשלת הקבלה habet, expugnatis Hierosolymis ab Alexandro M. bibliothecam Regis Salomonis Aristoteli ex Regia munificentia fuisse datam, qui arcana naturæ inde assecutus, omnibus libris incensis, ne plagii accusari posset, eam prorsus deleverit. Ut fabulam aliam nimirum Aristotelem genti Hebrææ tales debere, cui Eusebius male intellectus lib. 9. c. 3. Præpar. Evang. occasionem dedisse eruditi judicant; rursusque aliam, Aristotelem profelytum fuisse, taceamus. Has ejusdemque furfuris plures fabulas, licet a prudentioribus rideantur, a sagacioribus etiam Rabbinis refutentur, apud vulgus tamen Hebræorum Magistrorum, applausum mereri experientia docet. Sed relinquamus Judæorum plebi suas fabulas. Nos ut his similibusque nugis philosophiam Aristotelicam vel, & aliam (non enim adeo obtusa gerimus pectora, ut aliorum philosophorum placita, modo sobria, nec religioni nostræ inimica fuerint, admirari nesciamus) commendemus, opus non habemus; ipsa pulchritudine sua se amabilem reddit, qua inter alios capti juvenes indole boni, ingenio nobiles, virtutis, industriæ & eruditionis laude egregie florentes, numero XX. totos se, & eo quidem cum successu illi manciparunt, ut, postquam a Collegio Philosophicō lauream supremam in industriæ & eruditionis Testimonium publicum modeste petierunt, illud sueto examine præmissō iis omnino gratificandum duxerit. Quorum nomina eo ordine, quem non meritis, ultimus enim & primus sunt hic omnino pares, sed vel collati baccalaureatus vel civitatis Academicæ jure obtinent, sequuntur :

FRI-

FRIDERICUS MATTHIAS HARTMAN,
Schoenfelda-Misn.
Gottlob AUGUSTUS HEMPELIUS,
Piffena-Martisburg.
JOH. CHRISTIANUS SALICHIUS,
Melfn. Misn.
CHRISTIANUS Gottlieb Jöcher,
Lipfienfis.
Gottfried Seydenschwanz,
Oedera-Misn.
JOH. HENRICUS FISCHERUS,
Gera-Varifcus.
JOH. ULRICUS STADMILLERUS,
Campidonenfis.
CHRISTIANUS ERDMANNUS AGNERUS,
Martisb. Misn.
JOH. PHILIPPUS SESEMANNUS,
Numburg. Misn.
GEORGIUS Gottlob RICHTERUS,
Schneeberga-Misn.
GEORGIUS ADOLPHUS Schuberth,
Lipfienfis.
CHRISTIANUS PAZIGIUS,
Porsdorff. Misn.
BENJAMIN Holzapfel,
Numburg. Misn.
FRANCISCUS WOKENIUS,
Pomeranus.
HENRICUS WILHELM Engelmann,
Glaucha-Misn.
JOH. AUGUSTUS NEUBER,
Lipfienf.

CHRISTIANUS GOTHOFREDUS *Hoffmann*,
Lauba-Lufatus.
Gottfried CHRISTIANUS LENTNERUS,
Steinov. Silesius.
MATTHIAS GEORG *Schröder*,
Suerino-Megapol.
JOH. CHRISTIANUS SCHMOLLERUS,
Salburga-Franc.

Hos omnes & singulos non meritis, inquam, sed vel B accalau-
reatus vel civitatis Academicæ nostræ jure locatos craftino die,
volente Deo, finitis sacris matutinis, in Acroaterio Collegii Prin-
cipum Majoris Doctores, h. e. Magistros Philosophiæ publice
renunciabimus. Quem actum publicum, ut Rector Acade-
miæ Magnifice, Proceres utriusque reipublicæ, splendidissima
Vestra honoratissimaque præsentia celebratiorem efficiatis :
Vosque, juvenes Studiosi generosi & nobilissimi, attentione be-
nevola ornetis, humiliter, officiose & amice rogamus ; vicissim
omnia obsequii, observantiæ & amoris officia polliciti. P. P.
die 7. Febr. A. G. MDCCXIV.



00 A 6280

ULB Halle
002 828 09X


3




56.

reho







AD
SOLENNEM
MAGISTRORUM
RENUNCIATIONEM

DIE VIII. FEBRUARII A. MDCCXIV.

IN

AUDITORIO PHILOSOPHICO
ADORNANDAM

RECTOREM ACADEMIÆ
MAGNIFICUM

UTRIUSQUE REIPUBLICÆ PROCERES
ET ACADEMIÆ CIVES

EA QUÆ DECET OBSERVANTIA ET HUMANITATE
INVITAT

FACULTATIS PHILOSOPHICÆ

DECANUS
L. CHRISTIANUS LUDOVICI, P. P.

L I P S I Æ,

LITERIS JOH. CASP. MULLERI.